

藏經書院版

卍
續藏經

第 110 冊

中國撰述

淨土宗著述部

禪宗著述部

新文豐出版公司
印行

已續藏經。——臺一版。——臺北市：新文豐，[民82
-]

冊；公分

ISBN 957-17-0665-5 (一套：精裝)

——ISBN 957-17-1222-1 (第一一〇冊：精裝)

1.藏經

221.08

82000521

所
有



版
權

印
發
行
所
及

新
文
豐
出
版

有
限
公
司

發
行
人
高

本

鈞

編
輯
者
藏

經

書

院

新
編
已
續
藏
經

全
一
五
一
冊
第
一
一
〇
冊

精裝一冊基價一五·五五元正

中華民國八十三年九月台一版三刷

郵政特准掛號認爲新聞紙類
登記證：警字第一〇六四九號
台北市政府：臺北市羅斯福路一段二〇號八樓
電話：三〇六〇七五七、三〇八八六二四
公司：臺北市雙園街九十六號
電話：三〇六〇七五七、三〇八八六二四
傳真：三五六八〇七六、三〇二三八七〇

22090200 (精：一套)

22090310 (精：第一一〇冊)

佛尼牟迦釋師本無南



卐續藏經第二一〇冊目錄

新文豐出版公司影印卐續藏經會編印

中國撰述 淨土宗著述部

念佛三昧一卷 出壇凡叢書	瑞聖歎註	0001
西方確指一卷	清覺明菩薩說 常攝集	0003
清珠集一卷	清治 兆輯	0024
蓮邦消息一卷 附駐雲飛十首及臨江仙	清妙空子述	0083
淨土極信錄一卷	清戒 香述	0115
念佛起緣彌陀觀偈直解一卷	清張 淵述	0148
淨土證心集三卷	清卍 蓮述	0157
蓮宗必讀一卷	清古崑謹集	0209
淨土神珠一卷	清古 崑集	0271
淨業痛策一卷 附佛說阿彌陀經禮想儀一卷	清照 瑩集	0309
時時好念佛一卷	清果 能述	0322

啓信雜說一卷	清周思仁輯	0335
淨土紺珠一卷	清德真輯	0347
修西輯要一卷	清信菴輯	0407
蓮修起信錄六卷	清程兆鸞錄存	0423
報恩論卷首一卷卷正二卷卷附一卷	清沈善登述	0477
持名四十八法一卷	清鄭韋庵述	0615
蓮邦詩選一卷	明廣貴輯	0626
唯心集一卷	清乘戒著	0675
影響集一卷	清尼量海著	0681
二林唱和詩一卷	清彭紹升集	0688
觀河集節鈔一卷	清彭紹升著	0694
測海集節鈔一卷	清彭紹升著	0712
瓊樓吟稿節鈔一卷	清陶善著	0718
蓮修必讀一卷	清觀如輯	0726
普能高禪師淨土詩一卷	清德潤敬錄	0789

淨土救生船詩一卷……………清寬量集……………0799

中國撰述 禪宗著述部

菩提達磨大師略辨大乘入道四行觀一卷附達磨大師碑頌……………梁菩提達磨說……………0807

達磨大師血脈論一卷……………梁菩提達磨說……………0809

達磨大師悟性論一卷……………梁菩提達磨說……………0816

達磨大師破相論一卷……………梁菩提達磨說……………0822

最上乘論一卷……………唐弘忍述……………0829

修禪要訣一卷……………北天竺覺愛略說
唐慧智傳譯……………0834

頓悟入道要門論一卷……………唐慧海撰……………0840

諸方門人參問語錄一卷附達磨大師安心法門……………唐慧海撰……………0853

中華傳心地禪門師資承襲圖一卷……………唐裴休問
唐宗密答……………0866

宗門十規論一卷……………唐文益撰……………0877

萬善同歸集六卷……………宋延壽述……………0883

唯心訣一卷……………宋延壽撰……………0957

定慧相資歌一卷……………宋延壽撰……………0964

警世一卷

宋廷壽撰

0965

念佛三昧

出檀几義書二
集卷二十三

姑蘇金人 瑞聖歎 著

娑婆世界釋尊住持華藏世界盧舍那世尊住持釋尊新成佛盧舍那本成佛也他方世界有阿彌陀佛住于極樂國土一花一世尊非算數譬喻之所能及所以阿彌陀經爲無問自說經首題佛說阿彌陀下加不得一佛字

然燈佛者一微塵佛也釋迦佛者無量微塵佛也釋迦佛者名爲病愈阿彌陀者名本無病世尊說阿彌陀經另一施設與諸經不同乃是爲一切衆生畢竟不能破我故特地全舉法界說你本住在極樂國土中各各蓮花化生有甚不好譬如醜婦人一般貯之洞房深宮亦自覺標致也喜怒哀樂四字以樂爲極所以知之學者好之聖人樂之即天地也蓮花取相連義曰蓮三世相蓮花有房有密因非實相曰花一一衆生各坐一花花開見佛則見釋迦佛也極樂國土九品化生上品上生者乃是彌勒一生補處于此成佛下品下生者乃是阿鼻大地獄罪人于此成佛是人因犯

極惡大罪下阿鼻獄有善知識以種種因緣唱阿彌陀佛如千年暗室一燈照之而此罪人聞此名字地獄即在蓮花中而此蓮花即在極樂國土中而此極樂國土爲阿彌陀佛世界中此阿彌陀佛世界乃即在無量大地獄內一罪人之八識田中是人總犯極惡大罪不敵阿彌陀名字所以地獄應時粉碎此謂下品下生也

菩薩不願住於惡濁世界則不得求生極樂然而得生極樂乃是果事欲獲果者先須造因云何造因念佛三昧是也念佛之法不可以妄心念于遙佛亦不可以妄心念於妄心何以故妄心者是生死因不能感通于本際故以生死因不能感通故故佛本不遙而遂遙也復次妄心念于妄心者凡夫正爲妄心連持至墮地獄今復教以如是念佛彼即以前妄心爲念後妄心爲佛或以前妄心爲佛後妄心爲念如是即與世間流浪何異是故此法所不應用夫念佛之法不應先見佛次作念正應先念成次見佛所以者何若先見佛佛是何事如是名爲大妄語人又即

使感應道交。佛或示現。然佛來尋念。佛去久矣。又況能念正是妄心。妄心何可唐突於佛。所謂先念成天見佛者。念是實佛。是假菩薩。以本際爲念。而以妄心爲佛。問何故不以妄心爲念。本際爲佛。答本際者不可見。不可見則不能令行人發歡喜心。又本際纖塵不立。若行人於念處用力。卽大不應。又師子乳用玻璃盞盛。他器不受。若行人欲以妄心念本際。譬如毒器盛師子乳。終竟不受。又念佛三昧對住生死。若用妄心追逐。終入生死海無疑也。終

西方確指序

丁未夏過雪山和尚方丈和尚出一書授余曰此寶筏也且緣起甚奇明末時吳城八友同修半門日請乩仙以談其術於卒也有仙至所談與諸仙異因日事之甚狎熟久之忽勸以念佛衆問念佛可乎日善衆皆稱南無佛日不如是念也衆問如何日汝須合掌至心向西頂禮念南無阿彌陀佛衆從之于是爲之微細開示念佛法門令捨僞歸真求生極樂始宣示夙昔因緣菩薩名號及現異香天花種種靈瑞而八人者皆反其邪修歸于正信無朽者八人中之師也菩薩令往三昧和尚處受毗尼圓僧相和尚始難之既而見菩薩月偈遂敬禮西方爲之剃度蓋菩薩始至時衆以爲仙指月爲題求句因示以偈日一月光含千世界分身無量照羣迷當知本體原無二不動莊嚴變化機始於明崇禎癸未五月二十八日迄清順治丁亥十月初二日前後共二十四會所說皆修行要妙因偈中有確指正修路句遂名之曰西方確指余讀之身心踴躍不啻醍醐之滴入焦腸也

因嘆奇不已和尚日余始亦不之信既而閱之神采煥發即欲不信而不能矣余日菩薩往昔因中與八人具有大緣悲念深故權巧接引此豈同於應乩之流且觀菩薩臨行有日鸞乩之設本爲神鬼依吾末如之何也矣是書得之友人王貫三向有刻板頃燬于火吾黨諸賢將復刻以行世子謹爲訂其章句次其先後既成而爲之敘如此

乾隆三十八年秋八月 東林後學彭紹升撰

西方確指後序

古先聖人去今遠矣然讀其書知其言決不可以僞爲者斷之於理而已矣佛法入中國千五百年其間豪傑明睿之士得一經一偈決定信入了脫生死者殆不可悉數而淺智之流輒以私意窺之謂其原出於老莊乃其徒所僞作即今老莊書具在試取而與楞嚴圓覺諸經絜之其淺深離合之故略可見矣老莊所不能爲而謂學老莊者能爲之乎此不能察理而自徇其私者之過也近世飛鸞之化行三教聖賢

往往隨方應感。宏法度人是皆出於不得已之心。讀其書知其言。決不可以僞爲者。亦斷之於理而已矣。西方確指者。極樂界中覺明妙行菩薩所說法也。其爲教。貶斥邪修。指歸淨土。闡一心之妙諦。窮向上之平關。誠學佛者之指南也。予反覆讀之作。而嘆曰。嗟夫。蓮華國土。不離當處阿彌陀佛全體衆生。奈此衆生。日用不知。未曾發一念回向心。從迷入迷。漂流長劫。可不哀哉。菩薩悲願深重。與此衆生。世世隨逐。不相舍離。飛鸞之化。與現身說法。何異。讀是書者。誠能信自本心。如說修行。心心回向。無諸異念。念極情空。脫然無住。雖現居五濁惡世。已渾身坐在蓮華國裏。報緣一謝。彈指往生。是果是因。初無先後。如其不信。自心因而不信。淨土甚者。或疑此書爲僞作。則憑非大菩薩應化常事。則是書也。豈可作凡書視也。余時卽願刊布流通。廣利羣有。而因緣未和。迄今已酉春。僧俗道侶。無不踴躍歡喜。願施贊助。成至有讀而哭。哭而讀。願舍所受室宇衣服器具。入深山念佛者。豈非菩薩以無緣慈攝化衆生。不可思議乎。遂與靈曦

慧橋二老師謀付諸梓。梓成。道其始末如此。

時康熙己酉九月。既望。古吳淨業弟子。朗西金鐫撰。

西方確指

覺明妙行菩薩說 菩薩戒弟子常攝集

一時菩薩自極樂國來。降於娑婆震旦古勾吳地。在會弟子以往昔因緣得蒙化度。菩薩將顯淨土法門。而說偈言。

諸佛之法要	微密不思議	以非思議故
無能盡宣說	牟尼大慈父	悲憫衆生者
說所不能說	導彼今後世	更以異方便
顯示安樂利	令發願往生	橫截諸惡趣
緣佛阿彌陀	大願攝羣品	聞名能受持
決定生無惑	若有大力人	專念心常一
成就深三昧	現前亦見佛	今我如佛教
將開化導門	念爾等迷倒	確指正修路
是非弱小緣	應具難遭想	西方萬億程

一念信即是

菩薩說偈已令諸弟子朗宣一過復言汝等向來學宗玄術心溺邪修我以夙緣慈念深故來此化導今已首標西方淨土爲正向正修一門猶慮未能極信大當說我名號及我所證令知說是法者是大菩薩善男子我昔因中以妙湛覺心照明一切諸所有利土衆生所同具足卽以覺妙妙覺覺明妙心起無量妙行度諸衆生是故阿彌陀佛印我名號號曰覺明妙行汝等從此皈依更無疑二時同會者八人俱合掌至心念南無覺明妙行菩薩敬禮而起菩薩曰善哉如是

或問持經呪之法菩薩曰所謂持經呪者自持其心也要在直明心地若止云持得熟誦得多又念某經某呪某佛謂我有大功德而不能句句銷歸自性又不能深解如來妙諦謂可以獲果證者不見十字路口若無眼若無足若乞婦若乞男終日不住口念到夜計其所持一歲何啻數十萬遍究竟是殘疾者求乞者並不曾證得一毫果在此何以故只無解無行

故耳故知持是經卽當依是經而修行又發大願或求生佛國或求明心地或發大智慧或利濟衆生俱仗如來廣大弘通之力以成就行人之願如是方爲持經持呪念佛

天然老僧以久病不愈欲入徑山待死投骨普同塔中菩薩曰汝欲住山待死是無事討事耳汝愁幾根老骨頭沒處安頓耶不知眼光落地直伸兩腳任他刀砍斧斫火燒水浸與爾無干乃爲他作久遠計亦太愚矣且此身生時尙是無益何況死後汝今宜簡省諸事單持一句阿彌陀佛念念不捨阿彌陀佛便與汝爲好伴侶大限到時現身接引得生極樂豈不愈入山待死耶又生老病死是世間難免之苦汝卽久病亦莫管他愈不愈但一念一心生也由他死也由他便了

僧不二將投師受戒菩薩曰惜哉惜哉堂堂相貌表表儀形不知自反計其所作與俗人無異吾見汝身在此處而神遊地獄矣急宜痛加修省斷惡遵善上求佛果下化羣生不可昏昏昧昧失此有限光陰自

貽萬劫之累。至受戒一事。不受則已。若一受。更不得分毫毀犯。當守護清淨。如白璧明珠。了無瑕玷。斯成戒品。蓋戒爲三世諸佛入道根本。勿同兒戲。又若住靜。參方。更宜親近善友。遠諸庸劣。親善則道業易成。近惡則戒行易失。此二語終身學道之要。慎之記之。馬永錫兄弟。夙世爲獵戶。一日入山。共殺一鹿。當獲短命報。又嘗見塔中佛像。仆地扶起。安座禮拜而出。以善因。故再得人身。菩薩先爲永錫開示。已。永錫懼求永年之道。菩薩曰。昔北方妙覺寺有童子沙彌。年十六時。有一相師說人生死不爽毫髮。謂沙彌言。汝年十八。季秋當死。沙彌恐甚。夜禱於佛。願於藏中。賜經一卷。終身受持。以祈長壽。言已。悉泣。不勝再拜。而起於大藏中。隨手取得金剛般若經。遂書寫受持。曉夜無懈。兼持戒。稍嚴。了悟玄理。年未四十。道風流播。四衆歸仰。後至八十。坐化。卽洛陽微行禪師也。爲唐玄宗開元六年事。我所親見。汝今既怖短命。欲求永命。當依此沙彌求金剛善本。發心書寫。勤行讀誦。復求解義。趣此內功德也。從今日始。不得更殺物命。當

愛如己身。又多積陰德。此外功德也。內外俱修。功德甚大。自能與天合體。而天壽不二之理立矣。何慮年壽之不永乎。然須慎終如始。如彼沙彌八十而不忘。方爲合道。切莫有頭無尾。或行十日半月。一年兩歲。便丟手了也。若果盡形遵奉。先後無間。不遂所求。諸佛及我俱墮妄語。

菩薩示陳定崑曰。汝父子奉行我教。最爲難得。但必持志久遠。不得便生感應希求之念。將修行二字。正如日用間穿衣喫飯之事。方可。

菩薩示查定宏母曰。汝夙有向道之念。而未遇正人。深爲可憫。今當爲汝分別開示。汝往昔爲比丘時。力行精進。晝夜不忘。心猛烈。故於靜定中。忽起一見。云我何故不能速得成佛。又一日。聞諸佛無相卽心。是佛之語。復益邪思。云既諸法空寂。我心是佛。何用修習。不知此爲究竟空理。而非初入法界所易言者。比丘從此竟墮邪見。不復進修。自謂已證大道。所以從迷入迷。沈淪長夜。悲哉衆生。求道不遇真善知識。未免陷於羅網。不可不慎。汝今當知由昔以見邪故。報

獲五漏失正知故復遇邪師毒螫親遭豈得不生恐怖今應速發正信至心憶念阿彌陀佛求生極樂國土

無朽爲一友問得壽幾何菩薩示偈曰

人命如朝露 虛浮無定期 未能逃夢幻
何必預求知

復示曰且莫爲他問日期到臘月三十日管取手忙

脚亂在

是友果以次年臘月三十日疾終

無朽聞說遂求開示菩薩

曰元柏當知學道而不明此心譬如造屋無基渡水無筏欲明心者當微細觀究此身此心從何面而有既四大虛幻心將誰寄身心既幻世界微塵了無差別目前萬法從何處生從何處滅若無生滅則照與能照兩無所依自見真如寂滅場地

勾曲孔生持齋二十年矣自念衰老問死後云何因泣下不已菩薩曰不須悲淚但從我說深信遵行自有好處安身在遂授偈曰

西方有淨土 人天皆所依 汝能修此門
安隱無驚疑

沈文州以傷寒名家適至作禮菩薩問曰寒入心包當作何病答曰名中寒因喻諸人曰汝等但知寒入心包名曰中寒之疾若邪入於心卽爲殞命之病矣汝諸人但以身病爲病調之治之至於心有大病則不問明醫不求妙藥任其患苦而莫之覺哀哉
陳大心奉教念佛極其誠至菩薩示偈曰

八德池中蓮已種 果然一念甚宏深

滋培雖藉如來力 長養全憑決定心

又喻諸人曰此土有發願往生者彼土卽生蓮花故作是語汝等應生深信

孫中白好丹術日久無效因來會作禮菩薩呵曰老禿今日換這副嘴臉見我麼且問爾金丹幾時可成答曰正爾求成菩薩曰若成了千萬留卻幾顆莫都喫到肚子裏去俟汝見閻羅老子時好做些人事送送痴老兒此事決無你分不如做你本等去孫拜謝有頃菩薩又曰痴老兒知得你自己本等麼答曰我求見性是我本等菩薩曰汝知此性爲大爲小爲青爲黃答曰性無如是等相菩薩曰然則汝欲向甚麼

求見孫無語。乃發信皈依。願爲弟子。求示法名。遂示以偈曰。

性無大小青黃相。那有聲名任汝呼。

不達此中玄妙處。一言半字總淆訛。

我今強爲汝立名。可曰達本。汝此後光陰。不上七八年矣。莫負卻八百年前三十六載苦行也。孫因問此身如何結局。菩薩曰。結局便結局。又問如何結局。耶孫乃問如何修持。菩薩曰。淨土一門。能廣攝羣品。汝問修持。當念阿彌陀佛。發願往生。便得。一了百了。汝無再惑。

菩薩又喻諸人曰。從古大聖大賢。闡微立教。皆至精至簡。上士聞而悟。中下聞而修。皆歸大道。乃後之著述。務爲繁言隱說。使凡流揣摩。成見遂至。以訛傳訛。深入邪僻。抱暗沒世。竟不自覺。如達本因讀參同悟真諸書。不知法要。曲信訛傳。謂爲有得。執吝不捨。白首無成。動諸煩惱。菩薩說爲真。可憫者是。故汝等既識前非。當崇正信。

一時菩薩將臨法會。弟子八人無朽常攝。常源定茂。

達本查定宏陳定端。查定敏恭謹願。齊唱佛號。忽聞異香。從空中來。衆皆歡喜。得未曾有。菩薩曰。善哉。善哉。爾等知今日之會有夙因否。昔梁武皇天監六年。我出家於北魏之東都淨因寺。爲大比丘。因避亂南遊。住錫鷄鳴山。麓時爾八人依我修學。不久以兵亂各散。我越後二載。示寂於武林天竺。後復於唐僖宗朝。爲清河獻王長子。亦棄位出家。今爾八人同會念佛。亦由我發心。正如往昔無異。但爾等去我以來。八百餘年矣。仍復飄流未反。眞爲可悲。眞爲可痛。今爲汝等重加發明。所修行業。令速成辦。早登解脫。宜各諦聽。

示無朽曰。汝向者雖從事玄門。而能恭敬諸佛。當知卽是夙因。今宜速發深心。精修淨業。爲諸人唱導。無空擲後。此口十三年光景也。付汝偈言。

八百年前有勝緣。今來相遇指青天。

已知本地中秋月。莫向長江覓渡船。

示常攝曰。汝常持大悲神呪云何。而持答曰。所持之呪。歷歷分明。能持之心了不可得。菩薩曰。能如是持。

是名眞持有偈囑汝

汝持大悲呪 應識大悲心 離名亦離相

以此度羣生

示常源曰汝旣出家要須謙下柔和敬事師長。虛已請益增長志氣。莫只坐雲霧中過日。源不達復示曰。汝悽悽若此。可曉得自已的心麼。源無語。乃令誦準提呪一徧。源隨誦之。菩薩曰。此不是你心。喚作甚麼。偈曰

見初無心 卽汝本心 準提一徧 全體分明

示定茂曰。汝持準提呪。平日須要細密用心。觀一切境。若喧若寂。若物非物。若欣若厭。無非此呪現體。卽我妙心。刻刻流露。如是奉持。必獲果證。我亦以神力助汝成就。當誦我偈

兩行秘密 卽汝本心 莫謂法少 是法甚深

問建本曰。汝將云何答曰。欲明心菩薩曰。得無口頭話否。當勤念佛。其功十倍。亦示汝偈

心外無佛 佛卽汝心 深信不惑 一念無生

示查定宏曰。汝持金剛般若。當知有七不持。所謂心

昏散不持。有過犯不持。入不淨處後不持。飲酒後不持。人擾不清淨不持。有事將作未作不持。心別有記憶不持。若堅意受持。應離此七。誦至純熟。卽於觀心中持之。果能如是。則功德不可思議。果報不可思議。佛有誠言。汝須保任。復與汝偈

般若一經 功德無盡 拔妄想根 脫生死病

示陳定崙曰。小人之爲惡也。惟恐人知。君子之爲善也。亦惟恐人知。汝當以君子慎道之心。而作佛事。更有偈曰

勿責人知 勿希天應 恒一其心 必堅必正

示查定敏曰。汝未及弱冠。已知向道。可驗夙因。今爲汝命名曰敏。敏有聰勤妙捷。四義聰以除汝暗。勤以勵汝怠。妙以開汝慧。捷以發汝廢。汝當顧名思義。莫謂菩薩徒與爾一箇字也。復示汝偈

汝年正幼 當學孝弟 以是持身 毋惰其志

是日陳大心後至。菩薩問曰。汝云何修持。答云。惟修淨土。菩薩曰。捨此別無勝門矣。囑汝一偈

道無他說 唯心而已 蓮胎始成 專精勿二